

四庫全書

集部

欽定四庫全書

兩宋名賢小集卷一百二十一

宋陳思編

元陳世隆補

慶湖集卷中

冬夜寓直

庚申十月澄陽賦

落月半侵屋蛩聲寒到牀羈人不堪此夢後夜仍長結

衣出庭戶河漢正蒼涼浮陰暝四野來雁不知行陳物
悲暮節畏途懷故鄉十年泥滓賦馳驅厭路傍豈不志
事功鬢毛攬朝霜素尚竟誰許行歌追楚狂

冠氏送武欽之安陽

黃金絡征轡之子待明發樽酒少遲留禪林見涼月歌
鬟結蛾黛怨此佳期濶去去柳堤風青蟬催白髮

寄杜邯鄲

余寓居魏之冠氏杜仲觀以詩相招屬大河北徒莫

知其津竟不果赴但賦此答之

窮巷厭多雨頽垣藜藿生
蝸蟾飽風露晏景一何清
坐指歲芳歇羈人心骨驚
所懷不可見東州聞政聲
三年但絃歌百里稱
神明風月動高興
詩章時一鳴
天葩落健筆
直與春工爭
渾河失故渠
怒水方縱橫
難憑東葦濟
跬步萬里程
夢想不知遠
笑談何可并
賴有西飛翰
尺紙緘馳情

除夜歎京師賦示周沆

壯髮忽種種年華今復窮客懷少安適況乃京塵中病
肺厭斟酌疲筋謝過從閒坊稅老屋車馬無來蹤日俸
纔百錢鹽齏猶不供夜榻覆龍具晨炊熏馬通出門欲
貸乞羞汗難為容安得一扁舟浮家乘興東江山比深
隱終老為田翁春秋二頃苗秋穫期百鍾稚子課樵汲
壯妻兼織春行歌滄浪清卧快柴桑風神明養內觀憂
患無旁攻有客聞此言謂余何不衷茲行果勇決誰攬
冥冥鴻安知祿籍間去就如樊籠微尚良自信所悲君

不同

寄杜仲觀

中春雨收霽與子登叢臺形勝宛然在太行西北來無
情百尺土千載未推頽四顧發悲嘯淒風振頤頰凌高
氣象變似不容徘徊下出破禪剎斷碑生紫苔嚴公賦
懷古復使後人哀西尋王氏園一徑趨城隈老竹未萌
筍繁花如雪開惠然美少年逸躅欣攀陪小謝羅醺豆
開簾接俳優招呼縹緲人晚鏡摧粧梅水調唱金縷雲

壘浮玉醕傾腸敢惜醉忘著接羅回明日遂分首舊遊
安在哉西風吹去雁尺紙為君裁

謝米雍丘元章見過

今古兩妙令雍丘與太丘當時稱道廣後日想風流吏
軒庭陰午農歌野色秋吾非荀氏老愧爾德星留

龜山晚泊

春候半寒溫維舟淮上村長林補山罅青草際潮痕久
厭浮家役重招去國魂禪房欲舒寫煙雨促黃昏

舟發金陵望歷陽作

尚識歷陽道依然西照間風煙古磧戍林麓楚王山隔
水一凝佇當年數往還誰知躍馬客衰病再投閒

郎官湖

按李白詩序云乾元歲流夜郎遇故人尚書郎張謂
使夏口沔州杜太守漢陽王令觴于江城之南湖張
公四望超然請白標之嘉名白因號之郎官湖席上
文士輔翼岑靖以為知言今所謂郎官湖者占郡城

之北束手於兩山間縱廣百許步固不足四望而超然也已知其非是且郡南瀕江之人持南唐時地券尚指郎官湖為鄴蓋湖為江水所并而去城里餘猶有洲渚隱然未泯乃湖之故防也余丙子五月舟次沔陽求訪遺老始得其詳因賦此詩志之

當年賢守令載酒沔南遊涼月呈新霽明湖涵素秋郎官夏口使仙客夜郎囚促膝青螭舫連觴紫綺裘高驪隨雨散餘躅想風流芳草失青履滄波浮白鷗江吞百

頃盡石刻一篇留宜有沈碑者前懷陵谷憂

題寶泉官舍壁

寶泉監在夏郡城東三里黃鵠山之陰

偶著強名字非才但鑄金不妨稱外監
況復住山陰勝日聊披卷清風故解衿
餘生偷祿隱何者是升沈

江夏寓興

風與檣鳥便儂先塞雁來山經七澤斷
潮自九江回漁父猶知隱騷人枉街才
朋遊正相遠梅信為誰開

雨晴西郊寓目

城中厭雨過清和偶出西郊野意多
蠶簇趁晴初摘繭
麥場經潤欲生蛾
營巢黃鳥啼深樹
引犢青牛飲暮河
老圃念人留佇久
挽衣沽酒願相過

寄周文清

周時流寓海陵丁巳八月趙郡賦

節物驚心不我留
故人相望海邊州
菱荷老盡池臺晚
鴻雁來多雲漢秋
誰共清樽尋樂事
獨將長幅寫離憂

明年芳草青門道好試青衫伴俠遊

冠氏寺居書懷

古刹荒涼晝掩門鳴雞吠犬接西村
窻前自記曾歸夢樓外誰招欲斷魂
漫賦新詩題琬琰少逢佳客佩蘭蓀
更堪愁肺經春病負爾商歌酒一樽

題彭城張氏放鶴亭

亭有石刻蘇眉山製文唐之陽春亭故址在徐城之東
薛能尚書有詩見集中壬戌九月賦

曾見君家亭上碑東望風月動閒思昔曾卜築如相待
今遂登臨是不期萬頃白雲山缺處一庭黃葉雨來時
許昌應負重泉恨當日陽春枉賦詩

臨阪亭送客還馬上作

衮衮塵埃與願違可堪持酒送將歸壯心已服駕駘老
羈思常先朔雁飛十口無厭太倉粟四鄰分采故山薇
何時偃卧柴桑里自訟淵明昨日非

病後登快哉亭

經雨清蟬得意鳴
征塵斷處見歸程
病來把酒不知厭
夢後倚樓無限情
鴉帶斜陽投古剎
草將野色入荒城
故園又負黃昏約
但覺秋風髮上生

送李宗古錄事謝病南歸

十旬病免謝雞羣
收得閒身付白雲
南浦少留離別賦
北山相負勒移文
松舟桂檝曉將發
菰葉鱸魚秋未分
異日有懷長笑容
西飛燕子一相聞

題永城縣園水亭

詰曲池塘碧玉流，楔亭孤占小汀洲。
長紉座上芳蘭佩，不繫簷前畫鷁舟。
好泛羽觴修舊事，為書繭紙記清遊。
季真待得東還日，初見紅蕖十畝秋。

罷大匠屬為淮南行

何處經行特惘然，津頭曾送木蘭船。
桃花春水生前夜，楊柳秋風憶故年。
驛路尺書疑斷絕，官倉斗米愧留連。
飄飄復作江湖計，後此長安是日邊。

同王克慎宿清涼寺兼示和上人

六代風流不可尋
石頭勝槩古猶今
疎鐘答響江山迴
野鳥忘機松竹深
借問白雲誰卜築
擬要明月共登臨
終投逸少興公社
蔬粥麻衣事道林

與張歷陽追懷從禽之樂因賦

宜秋門外養鷹坊
好草陂頭射雉場
油幕羶廬張野飲
錦袍貂帽結絨裝
興闌落日黃塵斷
夢後西風白髮長
誰念江湖獨流寓
此情難話與漁郎

歷陽姥磯下馬上有懷京都遊好

楚澤初冬正獲田孤鴻欲下却飈然人烟隱約青山郭
雲物離披小雪天送別盃盤猶昨日勞生鞍馬遂窮年
故人多在金閨籍誰念心如寸斷絃

烏江東鄉住還馬上作

黃塵隨馬染征衣十里江臯送客暉廢井草荒鼃黽怒
下田沙漲芋魁肥解纓拂樹弄清淺橫榻掃雲飛翠微
人生事事不如意終日念歸何日歸

題定山寺法遠上人壁

支郎風味喜相親乘興來尋雪後春
夾徑竹陰疑礙馬
隔江山色似招人
豈無暇日容高卧
如有閒田願卜隣
預約東城二三子
歲時相過莫辭頻

宿芥塘佛祠

壁間得魏湘畢平仲張士宗回所留字
皆吾故人也
庚午三月賦

青青麴麥欲抽芒
浩蕩東風晚更狂
微徑斷橋尋古寺
短籬高樹隔橫塘
開門未掃楊花雨
待曉先燒栢子香

底許暫忘行役倦故人題字滿長廊

上已晚泊龜山作

薄暮東風不滿帆遲遲未忍去淮南故園猶在北山北
佳節可憐三月三蘭葉自供遊女佩芸編聊對故人談
洛橋車騎相望客曾為吳兒幾許慙

寄清涼和上人

南國風流百不存石頭今是給孤園山連雉堞斜侵路
潮送漁舟自到門方丈定容居士病貝多應待客兒翻

懸知後日逢迎際桃李春風兩不言

潘幽老出十數詩皆有懷蘇儋州者因賦

人煙寂絕鬼門關更指儋州杳莽間
三四月交天漏雨東南地盡水浮山
依迷春草鵲原失響像秋風鶴馭還
回羨河陽賢父子雪堂曾伴十年閒

答致仕吳朝請潛登黃鶴樓見招

城隅黃鶴莫登臨端使悲翁動楚吟
日下長安人共遠天圍夢澤歲方陰
北風欲雪雁飛急南渚始冰魚伏深

誰似草堂安穩客下帷隱几不求心

二月二日席上賦

仲宣何遽向荊州謝惠連須更少留二日舊傳挑菜節
一杯聊解負薪憂向人草樹有佳色帶郭江山皆勝遊
載酒賦詩從此始他年耆老話風流

高郵舟中對雪

天涯晚歲客無歡擁鼻微吟行路難三楚浮程波淼淼
五陵歸夢雪漫漫兔園授簡心猶壯剡曲拏舟興久闌

病骨支離仍禁酒漁蓑重緝侍春寒

廣陵茱萸灣晚泊

冷雲拋雪未成花過埭東風凍著沙荻浦漁歸初下雁
楓橋市散只啼鴉舊聞南國饒春事行見東風換物華
老病心情亦何有藥囊詩卷是生涯

清燕堂

雀聲嘖嘖燕飛飛在得殘紅一兩枝睡思乍來還乍去
日長披卷下簾時

初見白髮示內

安能屈指計封侯
西日東風見白頭
信是色身非我有
若論身外更悠悠

西城馬上

燭冷塵消過上元
晴明風日柳初繁
偷閒偶出西城陌
喜見青山似故園

再遊西城

柳條破眼已堪攀
鷺下城隅水一灣
後日重來寒食近

杏花林外見青山

晚泊會亭

此日苻離復捨舟馬蹄塵土入徐州只應明月曾相識
伴我時登燕子樓

楊柳枝詞

楊柳東風盡日吹柔條應自不禁持都門三月傷心地
強半青青贈別離

汴下晚歸

隋渠經雪已流冰乘興東遊恐未能試問何人知夜永
一樽相伴小窻燈

過曹氏園馬上作

香風細細出重牆不見繁枝已斷腸知有何人卷簾箔
卧看零落滿斜陽

重賦京居暮感興

怒風狂雨信悠悠收拾春華不少留祇有柳綿吹未盡
墻陰落泊伴人愁

欽定四庫全書



兩宋名賢小集

兩宋名賢小集卷一百二十一

欽定四庫全書

兩宋名賢小集卷一百二十二

宋 陳 思 編

元 陳世隆 補

慶湖集卷下

遊雲龍張氏山居

雲龍山距彭城郭南三里郡人張天驥聖塗築亭於
西麓元豐初郡守著山蘇公屢登燕於此亭下畜二

鶴因以放鶴名亭復為之記亭下有小屋曰蘇齋壁
間榜着山所留二詩及畫大枯株亦公醉筆也亭上
一徑至山腹有石如礮治者公復題三十許字記戊
午仲冬雪後與二三子攜惠山泉烹鳳團此巖下張
即饒之壬戌秋余初至徐張惠然見臨繼相招為山
中遊

昔聞張逸民卜築雲龍山東望結遐想喜得彭城官一
語定襟契宛如平生歡招攜屬休沐投此蘿薜間女僕

侯門巷青桂雙翠鬢蘇齋軒戶明餅火焚椒蘭寶墨鬼
神護清詩冰玉寒森然拱簷雷架石排琅玕東趨放鶴
亭燈道披茅管指顧百村落炊烟林莽間日脚灑平陸
兩山如斷環淒風振脫葉坐怯衣裳單引領紫霄極飄
飄如可干緬懷蒼山公五馬來遊盤興酣一本作走顛
筆蒼崖即鐙刊午年仲冬月雪野雲彌漫掃石坐舒嘯
惠然烹鳳團當時詫盛集千古陋達安俛仰迹遂陳斯
人久泥蟠我來後千日逸躡何由攀仰懷勝事往俯遵

塵路還山英能不辱時款白雲關

登黃樓有懷蘇眉山

登黃樓望黃州黃州望不見樓下水東流水流何可留
浮雲更悠悠傷心澤畔客憔悴楚蘭秋

燕子樓

城據山川勝千年為故都高樓臨汴水楊柳陰芙蓉唐
室中多故將軍老鎮徐球場朝戲馬玉帳夜投壺白雪
微清唱黃金得綠珠春風樓上醺三日極歡娛紅粉夢

魂散白楊兵火餘已亡雕夏燕空有穴墻狐曲徑擁黃
葉西風時掃除來客晚登覽傍徨思壯圖荆榛閉銅雀
麋鹿遊姑蘇陳迹豈足道舊歡何日無朱欄開酒榭寶
勒迎官奴醉袖舞鴝鵒艷聲歌鷓鴣遲留故時月桂影
來座隅

上巳後一日登快哉亭作

上巳信嘉辰流觴傳舊俗良遊悵不遂吏局方有屬東
風吹曉雨萬竅嗥林麓疑有泊舟人狂歌河女曲逾朝

始澄霽物色如新沐城角趨危亭登臨慰幽獨

三月二十日遊南臺感賦

晴春六十日不與酒杯親吏事豈無閒風雨復兼旬始
作南城遊時物固已陳掃迹桃與李濃綠迷荆榛登高
暫消遣引目清泗濱向田有交逕俯城皆要津得意屬
禽魚愛茲意共馴顧余千里客一官猶患貧履綦集座
隅菜蕪滿甌塵山園有芳蘭幽珮手自紉長哦白雲謠
遐想紫陽真去矣南昌尉庶幾乎若人

羲舟秦淮雪中訪侍其瑀

北風破雨初成雪，齋舫蓬窗吹紙裂。
籃舁觸冷訪圓廬，得把一杯聊耳熱。
人生自適待何時，矧君與我皆衰遲。
會待晴天暖風日，杖藜同赴北山期。

留別僧訥

冗從西班牙，誰比數牛僧。
馬醫猶爾汝，詩解窮人未必工。
苦調酸聲效梁父，滎陽道人方外交。
謂我有言追屈騷，驪珠不惜彈黃雀。
狗尾何堪聯黑貂，秦淮潮上扁舟發。

後日相思一書札千里同風了了然人間無處無明月
題漢陽招真亭

大別山嶺清沔尾飛亭宮崑帶雲起清狂使君初燕喜
拍手招呼黃鶴子元津煉出太陽酥手葺胎髮蒙頭顧
每誇久落北鄴籍豈意齋恨歸黃壚越客登臨興何有
愁不能言病妨酒殘陽雲夢宵然深尚欲開襟吞八九
羽駕飄飄安在哉使君餘迹已塵埃但見庾令樓橫烟
樹杪角聲催月渡江來

送鄂州刑獄掾王懋元功罷官還海陵兼簡金陵
和上人

暖雲芳草橫塘路送客何之官鄂渚江臯暑淫氣如蒸
別來何事還海陵海陵鄂渚非我土每後君來先我去
人事根蒂本悠悠况指滄波是每路君方少健我衰遲
跼蹙轅間不自持因行寄聲雁門遠歲暮敢忘林下期
和張謀父遊石佛山觀魏太武書

按南北史彭城圖經魏太平真君十一年太武南侵

至瓜步築宮駐蹕聲言欲渡江宋人患之遣使請婚
饋百牢以犒師明年春旋師渡淮復留連徐方再旬
始北去今彭城南五里固山鑊佛高十許丈東北百
步有大盤石鼓枕小溪劃然四字曰阿彌陀佛皆徑
尺餘特陀佛兩字為逸筆結之其長倍尋下落溪中
蓋當時太武以鐵筆畫是字非刊刻也乙丑秋張謐
父摹墨本見惠兼賦一詩要余屬和焉

中夏惜屯否代邦天所開鴻圖屬太武不世英雄才南

洗浴陽血西盪長安灰墮車十萬乘略地驅風雷一葦
濟長淮築官爪步履東隣拜牢餽走使為婚媒雲旗即
歸路覽勝此裊裊俯揮鐵馬鞭頑石同竒瓌劃成四大
字屹栗陰虹推淪精入崖壑怒氣羞蟠回茫茫六百年
風雨生莓苔偉蹟寢銷泯威靈安在哉君為訪古遊賦
詩追七哀人生誰不爾零落同塵埃

感懷寄二三知舊

人生七十稀行年今已半事功貴及時遲暮復何算嗟

吾夙夜疚失怙在童州詩禮思有聞飄飄辭祖貫慈親
念衰緒卒卒營婚宦名姓係西班星霜亟徂換未築黃
金臺長歌白石爛豈無同心契相望眇雲漢

擬南梁慧侶法師獨杵擣衣

嶧陽桐杵鳴蓮岳石砧平待誰相應節要自不勝情吹
衣風稍急弔影月微明會有不眠客聽此斷腸聲

擬阮步兵夜中不寐

夜久不成夢張燈開故書清霜屏雲物片月來庭除良

時悵難再不與佳人俱掩卷長太息望子城之隅

遊雍丘燕溪分韻作

捨轡步平綠解衿俯清池微風度修竹瑟瑟生淪漪
華照晴影暖雪正紛披把酒久沈想況與玉人期

留侯廟下作

文成念韓痛破產伺彊秦千金募健士椎斷屬車塵
東去變名姓浮遊淮泗濱忍耻奉遺履得書何老人
十年風雲會赤帝資經綸鴻門禍端結一言即解紛
英彭既

合縱楚項提孤軍偉哉借箸談豎儒無復陳分疆餌兩
將來若從龍雲釋怨俟印謀銷蛇豕羣定都天府國
推功歸奉春四老落吾術拂巾辭隱淪東朝羽翼就楚
調徙悲辛出處能事畢致君終乞身豈眷萬戶封僅與
蕭鄴均淮陰敗晚節顧亦非吾倫願訪赤松子逍遙雲
漢津嚴祠鎮川渚餘澤及斯民祇應終萬古黃石共威
神

遊金陵雨花臺

臺在城之西南蓋生公講堂故址也南即石子岡登
覽盡江南之勝

迢迢朱雀航飛蓋共陵越東風石子岡芳草微徑絕生
公法堂在清夜貯明月回認城郭遊春華爛晴雪長烟
動江隩微雲起山脅連檣去遲回白鳥屢明滅

題香社寺平疴湯泉

驪山御湯殿歲久玉蓮傾誰謂大江北有泉溫且清相
傳白雲竇中閤丹砂英澡濯浹肌膚沈疴亟能平豈特

滌吾足徑當潔吾纓築廬俯源上涵泳鳬鷗輕非復罽
塵網御風朝玉京賦詩投楚澤用弔懷沙生

宿寶泉山慧日寺

日久思不遑驅車更之東回蹊出蒙密解袂迎長風風
從何許來歷歷江南鐘頗響阿蘭若虛庭月正中流螢
逗深竹白鳥巢青松華燈耿翠箔瑤花擢春叢絕境美
清夜恍非塵界逢惜無一樽酒幸與之子同明發即南
北浮生兩飛蓬

曉度黃葉嶺東谷懷寄金陵王居士閒叟嶺在烏
江北八十里戊辰七月十六日自寶泉慧日寺之

茅塘村路經此

陰谷不寓暑松風朝露零乳溪逗綠篠琴筑聲泠泠老
石漬金碧宵然沈列星酌此石上泉餌彼松下苓條欵
振飛步豈徒制頽齡何須歷五嶽即蹈神人庭顧余方
有役俗駕不敢停寄音米真子預卜白雲局

過胡城

烏江縣譜昔石虎南侵晉相王導築此壘以遏之
狂胡昔憑凌濶步長淮外去此百雉城萬甲屯要害時
平一登望江山互襟帶想像文獻公清風宛如在

采石磯

瀕江兩磯相對相傳李太白嘗隱東磯上故址存焉
東西采石磯山水兩清絕漁舸與商舶今古幾沿越飄
飄翰林主長筵弄明月難訪物外遊飛雲眇天末

百福寺

即唐詩人張司業籍故居籍繪像今存

文昌西郭居修竹閉環堵琴樽不復存青蓮開梵宇塵
紛晦遺像粉繪才可覩拜奠愧無言長哦古樂府

遊金山

輕舸放中瀾岸遠春風壯攲師俯仰呼天水爭簸蕩吾
方扣其舷聊賡小海唱稍回即東麓側磴聯屨杖危刺
表層巔疲筋躡牽強斜廊繚複殿魚脊分背向放目四
垠寬秋毫入吾望侵雲鐵甕壘崛起無緣傍映日海門

山不帶滄波上吾雖百石吏平昔有微尚俄得金仙徒
剪蘿開岫幌誓投桑榆年浮玉翁自況

感庭棗

昔來花纂纂遽許實離離西風會搖落行復見空枝歲
物感流駛事功傷暮遲咄彼身後名前人端自欺書殫
南山竹奄奄定何知賢哉張生翰千載與心期

寄題栗亭

少陵昔避地幽棲鳳皇川始願獲其所賦詩此終焉瞻

彼美林麓蔭膏腴上田陽坡饒垂珠陰谷繁玉延長饒
勤采斲服食攀飛仙兵侵奪和氣力耕無善年林垌開
冰雪旬浹斷庖烟嗚呼歌七章暮節西南遷環堵久蕪
沒斯亭名尚傳茂宰愴懷古增崇殊過前雕甍揭長簾
下容十客筵嫩嵐隔春叢清竹鳴夏蟬風月有高興寫
之武城弦狂客屬虺廢駑筋難強鞭何暇遠登覽但哦
鯨海篇尚苦八口累依稀同曩賢餘齡寄幻境未斷東
西緣江淮米價平一舸去悠然幸此豐歲樂浮游吾所

便異時訪陳躡復使後人憐

寄題潯陽周氏濂溪草堂

周本江華人名敦頤字茂叔仕至尚書郎累使嶺表
中年投節退居潯城之南溪上因名濂溪以自況二
子壽字元翁燾字次元相踵第進士丙子五月余艤
舟漢陽始與元翁相際求余賦此詩

潯溪之水清未足摧公纓平生抱苦節成就此溪名長
歎置符傳孤雲歸思輕溪頭四壁居溪下百畝耕量汲

奉晨盟課樵共夕烹菰逢杖屨遊但聽絃歌聲為客開
三逕傳家惟一經雙珠先照乘合璧價連城被褐有餘
樂問縑無隱情昔仰名父子今推難弟兄不應文範絢
遽謂公慙卿勒詩高崖石敢告後代生

斗峴山馬上

西來投策倦躋攀晚葉寒華一逕間盡日閒雲不留雨
斜陽還照隔江山

渡冷水澗投宿萬歲嶺

金史四十一
卷一百二十二
蕭蕭黃葉下清溝白鳥飛來故少留
今夜行人短亭宿
小窗風雨夢漁舟

同張漢求宿升小院西寮

僧闔窻扉學畫船青熒燈火對牀眠
北風帶雪披簷竹
渾似瀟湘夜泊天

快哉亭朝寓目

風起喜舒曠徑趨城上樓初暘動未
黍積雨失汀洲水
牯負鴈鵠山樞懸牯萼坐慙真隱子
物我兩悠悠

送畢平仲西上

吟鞭西指鳳皇州，好趁華年訪昔遊。
新樣春衫裁白紵，舊題醉墨滿青樓。
鳴鳶雨細生梅潤，颺燕風高報麥秋。
須念江邊桃葉女，定從今日望歸舟。

望夫石

亭亭思婦石，下閭幾人代。
蕩子長不歸，山椒久相待。
微雲蔭髮彩，初月輝蛾黛。
秋雨疊苔衣，春風舞蘿帶。
宛然姑射子，矯首塵寰外。
陳迹遂無窮，佳期從莫再。
脫如魯

秋氏妄結桑下愛玉質委淵

淵一作泥

沙悠悠復安在

溪上屬目

白雲蒙山頭清川山下流芳洲采香女薄暮漾歸舟並
蒂雙荷葉逢迎一障羞持情不得語大婦在高樓

茅塘馬上

北園忽忽負當年回羨農家過我賢水落陂塘秋日薄
仰眠牛背看青天

題宋林寺

破冰泉脉漱離根
壞衲遙疑挂樹猿
蠟屐舊痕尋不見
東風先為我開門

長安在何許二首

長安在何許
疑在青天上
矯首遡西風
浮雲斷人望
長安在何許
疑在白日下
裴徊天一隅
華月生新夜

題關路逢僧圖

蹇驢烏帽禪客落
日黃塵故關已
悔棄綿昔去更
逢挈履今還

題秋水蘆雁

塞南秋水陂塘蘆葉蕭蕭半黃直北飛來鴻雁端疑箇
是瀟湘

題梅花雪雀

春雪霏霏晚梅抱枝寒雀毵毵隴下有人腸斷為銜芳
信東來

題鳴琴召鶴圖

結茅百尺荒臺杖藜一徑莓苔謝絕鷄羣老鶴不應端

為琴來

題巫山圖

巫山傳美女
秀色發朝雲
絢麗不可挹
飄飄去無痕
楚夢一夕後
蒼山秋復春
目斷腸亦斷
往來令古人

兩宋名賢小集卷一百二十二

欽定四庫全書

兩宋名賢小集卷一百二十三

宋陳思編

元陳世隆補

崧坪小稿

李維字仲方肥鄉人門下侍郎平章事沆弟雍熙二年進士召試中書知制誥為翰林學士歷工部尚書
柳州觀察使有集二十卷

休沐端居有懷希聖

銀闕琳房視草餘
龍門岑寂斷軒車
彩毫間試金壺墨
青案時看玉字書
王令風流希謝傅
子雲詞賦敵相如
瓊枝不見蕭齋晚
蕙草烟微度綺疏

直夜

繚垣堯闕慶雲深
畫燭熏爐對擁衾
三殿夜籤傳漏箭
九秋霜籟入風琴
階前槁葉驚寒雨
天際孤鴻答迴砧
欹枕便成魚鳥夢
豈知名路有機心

寄田錫舍人

當年心計此心知，忽忽逢人亦自疑。
枉是憂公生白髮，有何長略謝清時。
林僧已怪抽身晚，朝侶猶嫌到闕遲。
多喜通規識幽抱，路遙無處寄相思。

歸越東舊隱別秦中知己

客亭楊柳葉初殘，歌咽秋空慘別顏。
吟愛好峰歸越路，醉衝寒雨出秦關。
烟蘿庭戶重樓倚，漁浦人家舊往還。
縱使功名無分得，免教心在怨尤間。

再會傳逸人

分別知心意不輕幾年曾是愴離情微風吹雨雁初下
落葉滿階蟲正鳴燈靜若嫌論劍略簾涼頻喜轉琴聲
從來共約雲泉老肯向人間占好名

貽傳逸人

少年名節動人羣避俗身居積水濱幾為典衣留遠客
半來散枕看閒雲門連酒舍青苔滑路近沙汀白鳥分
誰道無情活黎庶數篇新製詠南薰

郊居寄朝中知己

年來流水壞平田
客徑窮愁自可憐
汀葦亂搖寒夜雨
沙鷗閒弄夕陽天
狂嫌濁酒難成醉
冷笑清詩不直錢
碧落故人知我否
幾回相憶上漁船

王左丞新菊

青氈前席暇歸沐
興何長北第秋將晚
東籬菊正芳幽
叢霏薄霧挂色豔
輕霜已近黃金印
兼臨白玉堂
甘疑
掩萍實秀肯讓芝
房有佞還應指無
憂可要忘藥浮丞

相酒氣馥令君香好固松椿壽仙經識秘方

霜月

銀牀葉暗飄霜月夜迢迢寒極屏難辟憂多酒漫消
荀爐殘更換湘瑟罷仍調誰道河流淺盈盈萬里遙

兩宋名賢小集卷一百二十三

欽定四庫全書

兩宋名賢小集卷一百二十四

宋陳思編

元陳世隆補

石羊山房集

鄭剛中字亨仲婺州金華人紹興二年進士累除祕書少監出為四川宣撫使為秦檜所忌罷謫桂陽軍徙封州卒檜死復原官諡忠愍有北山集

南陔詩 并序

南陔補亡也念劬勞之恩重痛逮事之無日故作是詩以慕焉

陟彼南陔有風惟薰曷念劬勞華髮盈巾彼髮之華尚可剪也嗟嗟吾親不可見也

陟彼南陔其薰遠兮慨我功名今亦晚兮功名之晚尚可為也嗟嗟吾親不可追也

彼居之子庭闈休休愛日之念胡勿省脩

瞻彼禽鳥亦哺其母養而弗驩于老奚取
敬爾身矣憚其親矣逮其暮矣云何吁矣

梅花

玉骨透花寒水壺清露滴暗香驚返魂移自芝蘭側殷
勤置書几粲粲百態出徘徊欲與語奈此雪霜色高標
邈難親欲陳還不得箇中須有詩苦覓不到筆要須明
月來託之問姑射

脩脩窗前蘆

脩脩窗前蘆孤瘦倚青玉心虛知夜涼風葉亂相觸使
我入幽夢如在江湖宿方茲困炎曦愛爾眼中綠奈何
柔脆姿行犯秋霜肅霏霏霜露中芰荷等摧覆大抵無
勁節不及歲寒竹

讀坡詩

公詩如春風著物便新好春風常自然初不賞雕巧又
如荆山玉不問多與少傳流落人間皆作希世寶吾獨
恨造物生我殊不早不得拜堂下朝夕事灑掃追攀邈

難及清淚出幽抱

書齋夏日

五月困暑溼衆謂如蒸炊惟我坐幽堂心志適所怡開
窗面西山野水平清池芰荷間蘆葦秀色相因依幽禽
蔭嘉木水鳥時翻飛文書任探討風靜香如絲此殆有
至樂難令俗子知

晚蚰

暑雨霽餘飛翻溝水鳴玉半規入嵐霧平時愈新綠時

有牧歸牛一笛過山曲
吾廬附幽深四面蔭修竹
垂雲下林梢驚鳥自爭宿
夜色迫書卷呼童具燈燭

宿長安閘口

天寒雲氣陰地濶江岸敞
鼓動風勢狂掀簸浪頭長
單繩纜扁舟避雨宿深港
上有阿蘭若危鈴作孤響
一夜魂夢寒鄉國勞遠想
清霜作朝晴舟師動帆槳

即事

夏木垂嘉蔭中夜微雨集
晨興涉西園爽氣衣外入
側

身過幽林葉上見餘濕菰蒲暗池塘有鷺如玉立樂哉
吾此居時平足堪葺

丁未四月與李叔佩還錢塘道浦江井坑嶺賦此
詩

扁舟絕驚濤芒屨陟修嶺躋攀雖小勞窈窕豈人境巨
石開雙闕有道細如綆其中漸寬虛濶步隨所逞古木
垂嘉蔭一覆餘里頃寂寂艷山花沉沉晦龍井時有飛
泉落噴薄珠玉冷毛骨皆清涼反顧發深省麋鹿聞人

聲駭去山之頂春禽正對哢決起不留影宜知道上翁
甚愛幽獨景如何蒙鄙外一笑不相領負出前山遲
疑夢初醒

暑雨

結廬在深寂芳簷蔭松蘿天晴風日溫時有燕雀過令
茲夏暑雨衡門可張羅永嘆復自慰幽興吾亦多

臘月三日義烏道上寄潘義榮

天風生暮寒一夜新雪積遲明兀復興亂入山逕窄茅

簷兩三家雞犬不見跡冬令頃弗嚴草木僭春色愆陽
入桃杏弄暖浪藥垆肅然變霜威犯者輒衰息獨餘山
上松不動與寒敵十丈偉標致四面風漸瀝時于翠葉
中碎挂瓊玉白忘我道路歎但覺心忘憚擁鼻作孤吟
清思浩無極

對月再用韻

團團滿庭月冷浸霜華重何人萬里外與此孤光共摩
雲度征鴻天濶目難送三杯見妙理一靜服羣動陶然

夜氣中可以觀幻夢

久雨二首

錄一首

山嵐變濃雲地氣洩冬熱急雨春風顛十日聲不絕舍
中流水入牆外古溝咽塊然簷下雀狀若木雞拙我亦
類禪定癡坐萬慮歇厨兵忽相報謂已糝藜蕨隨緣就
一飽再看栢香藝

清明前風雨兼旬城外桃李無在者書室中有醅
醪一瓶置之甚久蓋風雨所不及也為賦五韵

素質吐孤芳柔條數瘦綠誰將刻楮手作此數莖玉園
林烟雨多百卉飛簌簌小室偶深靜花意猶清淑置之
硯席間鼻觀常芬馥

茉莉

嶺上老梅樹歲晚等凡木霜風吹枯枝曾有花如玉
茉莉抱何性犯此炎暑酷琢玉再為花承以數腴綠憐渠
一種香徧歷寒與燠時于寂默中至意微相屬鼻觀既
得趣就枕便清熟夢中見靈均九晚皆芬馥

焚香

五月黃梅爛書潤幽齋濕栢子探枯花松脂得明粒覆
火紙灰深古鼎孤烟立翛然便假寐萬慮無相及不知
此何參透頂衆妙入處靜動始定惟虛道乃集心清杜
老句高韻不容襲餘馨夢中殘密雨窗前急

偶題

軒前有修竹穿紙入窗櫺清風動搖之壁間影縱橫軒
後有修竹山花依以生幽芳吐孤艷不與翠色爭愚翁

坐其間萬事蠢不萌不識動與靜但覺懷抱清千古媿
張籍眼明心自盲

靜獨

飲酒或濡首作詩防嘔心疾走欲避影不如常處陰階
前享明月但鼓無絃琴清風倘相過付之修竹林一靜
服羣動萬緣寧我侵

郡治西廳錦被花不為治架每花開覆地而紅或
緣他木以升予分其本植草亭之東家僮相與栽

木于地高七尺許上布圓竹復破竹交加之外出
四簷如屋之狀通小窗側戶以窺視而出入餘皆
花地下置一榻一几可以獨酌作詩以記之云

栽花傍庭砌立木為花屋小戶虛一偏橫窗置其腹分竹
接柔蔓尺寸引鉤曲春工直解事夜雨頻澆沃枝條
日滋榮滿架籠新綠紅淺暗香深揖遜薔薇服此花名
錦被覆我四圍足比之公孫布宣不堪華縟自慙流落
人尚此享癡福我欲飲其中亂影交醺醪擁被即長謔

傲枕眠清熟又欲效王勃醉處先磨墨引此略覆面腸
胃成機軸染筆起臨風定作花芬馥

王勃每醉先磨墨數升引被覆面覺

乃為文

大暑竹下獨酌

新竹日以密竹葉日以繁參差四窗外小大皆琅玕隆
暑方盛氣勢欲焚山樊脩然此君子不容至其間清風
如可人亦復怡我顏黃昏開竹杪放入月一彎綠陰隨
合之碎玉光爛斑我舉大榼酒欲與風月懽清風不我

留月亦無一言獨酌徑就醉夢涼天地寬

閨怨詩三首

幽思春風亂擬向琴中說
徹寒錦薦高未鼓絃中絕
尚有無絃韻或可奏明月
堦前望水輪去去不停輒
薄命如妾何秋風河漢潤

無心事鉛黛采采菊金黃
徘徊欲寄遠雲夢連瀟湘
豈不懷君子念之不敢忘
西鄰擊神鼓東鄰鬧笙簧
三嗅籬邊英淚落秋風香

晨光入幽戶手織回文書聞古有雙鯉為人致區區書
成立江邊天寒渺無魚微懷既莫致慘黛何有舒歸來
更無語悵望庭花疎

正月十一夜燈開雙花

鈎杯壓短檠清膏沃虛草炯炯孤焰瘦吐此雙花好誰
為夜氣溫暗坐春風巧碎剪朝霞紅綠以金粟小或云
兩玉蟲飛來抱釵抄美人輕燦之要看火中寶我聞家
道和可以感穹昊門闌將有喜每事吉先兆而我方朽

衰負戾落南嶠胡為今夕光熠熠似相報無乃天地慈
四海施洪造陽和隨根性溥為脫枯槁吾其得歸與頂
戴君恩老

平字梅花詩

江梅非凡根先春花南枝玲瓏皆瑤英雕鎬誰為之天
高孤芳寒風來幽香垂朝暎晞霜華蘭膏塗真妃移之
當疎簾吟腸清相宜吾將讒花神妖紅徒紛披何如令
江梅芬芳無休時終愁芝蘭嗔侵渠名聲衰

寒食

江鄉時節逢寒食花落未將春減色嶺南能有幾多花
寒食臨之歸春迹花多花少非我事春去春來亦堪惜
柴門風雨小庭寒無奈池塘烟草碧欲將詩句慰窮愁
眼中萬象皆相識欣然應接已無暇都為老來無筆力
夜聞雨聲賦古風時趙使祈雨之翼日也

山齋道人夢魂清夢中細響忽可聽三峽流泉出幽隱
萬蠶食此春葉晴又疑相如夜病渴蟹眼亂沸石鼎鳴

呼童起視果安在云是西簷甘雨傾於時火流祇三日
田兆正作龜縱橫昨朝太守拜壇下五龍奉命雲雷驚
小兒放散蜥蜴去神鼓罷擊巫舞停田翁翻溝出賸水
婦子田邊笑相迎商量今歲多釀酒是間指日當雲平
山齋一飽想無慮摩腹卧看秋風生

寄贈張叔靖

堂堂張侯好眉宇照人冰玉無塵土憶初邂逅共杯盤
姓字未通心已許參商別後各天涯屈指流年不勝數

何如策馬忽東來扣我柴扉叙寒暑相親顏色愈敷腴
不俗胸懷細傾吐使我頻歲飢渴心如飲甘泉餉股脯
吾生寒苦衆所知眼高無人人不與技窮漸覺蒲柳衰
進取一途方首鼠有心斷土治田園束手抽身事農圃
荷鋤令亦粗成趣頗有嘉蔬待春雨所恨松根長茯苓
僻寂無人堪共煮安得溪霜素月高促膝與公長夜語

宣和壬寅仲冬二十六日留別臨川陳泰穎

江南浙東千里遙雁聚沙汀無定跡偶然握手如平生

祇恐前身已相識不然安得一羈旅披露煩君出金石
我今漂泊又西去草草分袞實堪惜孤舟漾水如輕葉
何處烟村倚灘磧明朝橫枕清浪頭夢破霜風正相憶
故居

北山三十里憶得舊書堂小徑通蔬圃新醅壓酒牀晚
涼荷葉嫩細雨菊花香此夢今何許隨緣又一方

栽竹

信緣移老竹觸暑種瓜根小雨回生意蒼苔覆劓痕影

還隨舊葉涼已到清尊相對如佳友何妨盡閉門

哦詩

怕醉還思醉哦詩未得詩過雲飛雨急斜照晚涼遲嫩
綠開荷葉新紅入荔枝躊躇搔短髮倚檻立多時

重五

異鄉逢午節卧病此衰翁竹筍迸新紫榴花開小紅山
深人寂寂氣潤雨濛濛煮酒無尋處菖蒲在水中

闌暑

欽定四庫全書

兩宋名賢小集
卷一百二十四

十三

開暑秋郊暮前山瘴霧中猿猴都下飲鳥雀未歸叢弄
影試新月披襟招好風銀潢向何夕零露濕梧桐

春晝

深村春晝永事事不相關花少蝶蜂瘦水清鷗鷺閒柏
香薰紙帳竹枕傍屏山付與翛然夢樂哉天地間

寒意

嶺南霜不結風勁是霜時日落晚花瘦山空流水悲棲
鴉尋樹早凍蟻下牕遲季子家何在衣單知不知

幽趣十二首 錄二首

幽趣無人會閒居我自知
筍尖穿落葉花蕊挂游絲
寒在蜂來少風斜燕不遲
老夫無定力破戒為題詩

幽趣無人會雲依遠岫行
寒塘時撥刺古木屢敲鏗
壁殼拖涎鈍花飛度粉輕
山泉煮石鼎孤啜不勝情

早過烏龍嶺

烏龍嶺上萬峰巒疑是羊腸
九曲盤山麓吐雲人世遠
松梢滴露客衣寒驅馳寸祿
意寧樂蕪沒小園心未安

欽定四庫全書

陶朱名賢小集
卷一百二十四

十三

早願車攻歌復古不須垂老挂衣冠

庚申二月二十二日宿齋省中

齋所深嚴客過難逼人書債未須還簷遮暖日挑天瘦
鳥踏風枝竹影閒細細乳花新茗挽霏霏香霧小爐山
滿庭斜月無公吏祇似東陽田舍間

譚勝仲卿有冊賓禮成新句用韻和呈

寶函重鎖環金密冊攢雙盤帶錦斜長樂春風迎母后
未央和氣集皇家簾垂禁衛收黃繖禮畢天仙下玉花

班退笙鏞猶在耳五絃歌舞未須誇

仙人山寨至日

戍兵列柵守空倉俯瞰嘉陵萬仞江山下不知傳鼓角
天邊時見引旌幢歲寒木落鳥穿屋晝靜簾垂雲繞窗
教罷諸營無一事錦腰催拍照金缸

寒食偶書

楚鄉孤坐掩重扉素髮荒唐酒一卮眼闇久因書卷得
心闌全自世緣知臨流問米方終日踏雪尋梅是幾時

欲上高樓望吳越無邊烟雨正垂垂

有客問予每日何事客退賦此

杜門管得酒瓶乾餘事誰能著眼看
髣髴殘春幽夢斷冥濛細雨落花寒
林梢寺隱孤鐘晚水外人喧社飲歡
萬里一身聊爾爾此身惟覺上恩寬

初春

古人書卷慢翻尋齒髮蕭疎歲月侵
萬里家山孤枕夢滿城風雨五更心
蒙茸軟草涵空翠寂歷初花弄曉陰

燕子未來寒意重
數峰圓瘦入雲深

初夏

春物闌珊逐曉風
芰荷敲角草茸茸
野梅結子疎枝重
老竹生孫翠影濃
煮酒情懷還是客
異鄉歌笑且相從
醺然就枕皆佳處
醉夢何妨度曉鐘

出江

淨練已欣平似熨
更因雨過助清深
何人孤笛穿雲杪
野岸歸舟入樹陰
鷗鳥慣看遷客面
江山偏識老夫心

半鈎小捲黃昏月欲得清詩箇裏尋

和方景南卜晴

開暑知秋近淮瀆氣已清風雷驚夜雨鐘鼓報新晴霧
散槐庭曉雲開魏闕明馬行朝露穩人喜積情傾初鳥
方爭出殘蟬莫亂鳴小窗偏得睡更待晚涼生

擬送楊柳

久戍思賢日中興入覲時旌旗生喜氣梅蘂動寒枝報國心偏苦
安邊計自奇一軍常北出萬騎絕南窺結軌聞修好橐弓謹退師

浩歌歲戰甲雅拜習朝儀
天近雷風迅雲深雨露滋
告庭行有命祖載敢無詩
雪意留金勒歌聲寄玉卮
明年秋秫賤釀酒約歸期

春到村居好四絕

春到邨居好茅簷日漸長
杯深新酒滑焙煖早茶香
春到邨居好園林興味長
蠶貪桑葉出蜂趁蜜脾忙
春到邨居好枯腸飽可圖
筍尖將露角麥秀欲生鬚
春到邨居好清明欲禁烟
亂紅桃下雨輕白柳飛綿

陝西戲成二絕

錄一首

出門上馬雖云

一作所

樂乍見秋風亦念家何日隋隄霜

後路亂飛榆柳踏平沙

早行

風柳驚霜日夜飄客程中夜馬蕭蕭據鞍髣髴如殘夢
曉月一鉤猶未消

頰肩攜擔又催程寸許孤燈照壁青破縣殘更誤傳曉
馬行十里見明星

靈壁驛有方公美少卿留題戲和于壁

君把使旌臨洛水我參樞幕過潼關
秋風想見吹歸渡
先看淮南第一山

雨過

雲壓江邊草樹低
麥搖秋色望中迷
却知向晚有晴意
雨過一聲村落鷄

懷山居二絕

春淺酒寒人密坐
花深雨細蝶移枝
十年未解作歸計
此恨故園鶯自知

披叢尋得晚花瘦帶雨剪來春韭香憶把餘醺付松枕
明朝春夢不勝長

夜燭花

蠟炬香光照夜紅垂垂簾幕靜無風金盤五寸花成穗
可但釵頭綴玉蟲

無題

池塘好處烟迷柳簾幕昏時雨過山燕子不知春有恨
銜將花片入梁間

即事

小徑客來穿竹入
草亭涼到枕書眠
鳥呼人笑荔枝熟
如此封州已二年

渡胡源口

暫出簾輿上小航
眼明重喜見江鄉
夢魂孤寄浪頭宿
一夜隨潮入富陽

即事

暮春景物稱山家
屋角團團綠葉遮
薄晚微雲疎過雨

一番小麥顫輕花

枕上聞秋雨

被龕骨老夢魂清月暗窗昏烏鵲驚茅屋不知疎雨過
但聞高樹作寒聲

嚴陵懷古

一舉無心為六龍萬鍾於我亦毫毛客星不到雲臺上
莫訝先生索價高

客惠賓州竹簟甚佳取退之鄭羣贈簟詩讀之數

過成古風云

卷送風漪光八尺竹新漸作琉璃色世人貴耳便賤目
那知不低蘄州笛年來媿汗常浹膚夏日自嫌汗枕席
有時追誦法曹句悵悵宗人不多得山齋置榻容一身
君惠清涼到心骨門前客至莫見嗔老子解衣喧鼻息
元信自潯州遣人惠以明徹冰壺名酒作二十八

言謝之

是翁明徹一塵無養就江心秋月孤自舊相從杯酒裏

豈惟今日見冰壺

絕覽亭

目力所臨皆在下亭名絕覽未為叨大都心地當如此
此外應知更有高



兩宋名賢小集卷一百二十四

欽定四庫全書

集部

兩宋名賢小集卷一百二十五至一百二十八

詳校官中書 臣 閔思毅

助教 臣 常循覆勘

總校官編修 臣 王燕緒

校對官編修 臣 何 楮

謄錄監生 臣 宋逢雲

欽定四庫全書

兩宋名賢小集卷一百二十五

宋陳思編

元陳世隆補

艇齋小集

曾季狸字裘父文定公弟宰之曾孫也再舉進士不第師事韓子蒼呂居仁又與朱晦翁張南軒書問往復南軒被召季狸戒其不當談兵且勸以范文正

忠宣父子為法郡守張孝祥樞密劉珙薦於朝皆
謝不起呂東萊數稱其學有淵源南軒有探古書盈
室憂時雪滿顛汪應辰有四海曾喪父之句其為時
賢稱服如此自號艇齋著論語訓解陸務觀序其集
曰文詞簡遠讀之者遺聲利冥得喪如見東郭順子
悠然意消然可傳之作尚不止此遺珠棄璧識者嘆
焉

羅漢石

吾聞大幻師種種示方便雖於土石中神力亦周遍君
看此翠琅乃有羅漢面殷勤作禮相形質皆可辨初觀
頂相殊次觀雙足現僧袍如輕綃風舉勢轉旋得非方
廣尊影落此石片千年磨不盡若堅金百煉我來一瞻
敬贊歎未曾見摩挲諦玩久欲去反留戀叮嚀善守護
尊者俱神變會當清夜闌神光照金殿

靈谷山

舊聞伯子記已得靈谷名隱然望此舟奇勝稱山靈懸

崖瀉瀑布如高屋建瓴喬松數千丈下有千歲苓仄足
行鳥道勢欲搏青冥仙事雖渺茫幽討未忘情高秋八
月後擇勝來經行黃冠兩三人淡然亦忘形煙霞到几席
爽氣來戶庭瘦筇閒指點老瓦同注傾慚非換鵝手不
敢臨黃庭或可聯石鼎未必讓彌明重陽無十日黃菊
漸向榮佳哉此天氣一笑未易營但願脚力健年年此
尋盟

躍馬泉

山靈從何來崩騰躍萬馬初疑夫差軍水犀光照夜又
疑闕於戰聲撼武安馬森然毛骨竦舌挂不能下對此
神驂姿可以一戰霸

五星泉

五星耀寒芒直射入九淵化為石泉眠位置相聯綿相
映壁月夜上下爭珠連星光本遊空著地今何然得非
泉石癖如我老不悛

宿正覺寺

正覺江邊寺風煙罨畫然庭羅合抱樹門泊釣魚船暮
雨涼初過中秋月正圓無人來共賞獨自占江天

白水寺

暫假僧房憩炎蒸覺頓忘誰知六月雨已似九秋涼石
徑苔痕滑稻花田水香鳴蟬休聒耳容我此徜徉

苦竹行

碧草送春晚綠陰迎夏涼輕風搖細麥淺水出新秧歲
月催人老田園引興長一廛如可辦吾亦學耕桑

金石臺

江上岵嵒百尺臺，摩挲塵跡但徘徊。
不辭濁酒三杯醉，坐對晴空萬里開。
楚澤風烟隨處好，仙家桃李有誰栽。
黃花過了梅花發，待我扶藜得復來。

南湖

葛巾藜杖興何長，為愛南湖六月涼。
雨在山頭作雲氣，風來水面散荷香。
登臨稍喜市聲遠，徙倚猶嫌歸興忙。
後日重來攜枕簟，不妨午夢到斜陽。

積翠樓

手捫霄漢摘天星
脚踏丹梯最上層
須信神仙足官府
能令雞犬亦飛昇

少日便懷丘壑情
看山看水飽曾經
如今積翠樓頭望
看盡江南未了青

西隱寺

彷彿兒時住此間
重來不記舊山川
却因坐久僧相問
細數如今二十年

疎山道中

村深谷鳥近人鳴
暮靄收時雨又晴
極目春山隨處好
笋輿穿盡綠陰行

苦竹舟行

船頭觸處浪花生
船尾隨人山影行
一水到家能幾許
順流東下片時程

危全楓祠

香火頽然寄梵宮
精英不與衆禪同
臨川千古人心在

猶說當年保障功

疎山

來住疎山四十年主人與客兩華顛此心不改澄河見
往事休論過鳥然無復仙舟遺跡在空餘矮叔一燈傳
危亭獨上窮登眺古木蒼藤繞暮煙

楊源寺

落日郊原獨杖藜偶尋蕭寺坐移時下臨稻壟如棋局
細數僧房似蜜脾風裏長松能遠韻霜餘殘菊尚多姿

因吟竹院詩人語笑我勞生力已疲

疎山

江南九月未飛霜木葉蕭蕭已半黃行遍疎山山下路
滿山唯有桂花香

垵湖潭畔呼舟渡苦竹林邊策杖回衣濕為穿山雨過
手香因折野梅來

草封支徑路欲斷雨洗野花山更寒西嶺東岡烟漠漠
南溪北澗水潺潺

鳴玉泉

何人邀我來白晝朝鈞天千官正雜沓佩有蒼玉懸
銜牙互擊觸遠韻聲泠然律呂相應和宮徵更相宣應
笑居鄴人玉斗空碎捐

兩宋名賢小集卷一百二十五

欽定四庫全書

兩宋名賢小集卷一百二十六

宋陳思編

元陳世隆補

沈中允詩集

沈括字存中湖州人嘉祐中進士累官龍圖學士博
學洽聞凡律樂醫卜諸家皆有論著嘗使契丹圖其
山川風俗上之元祐間謫知秀州卒柳志收入流寓

今仍之

望海樓

雨聲林外盡秋色望中添落日挂疎柳遠江橫暮簷好
風疑有意隨葉故爭簾為問樓中客胡為盡日淹

夜登金山

樓臺兩岸水相連江北江南鏡裏天蘆管玉蕭齊候送
一聲飛斷月如烟

登北固樓

丞相高齋半草萊舊時風雨滿亭臺
地從日月生時見天到江心盡處回
三國是非春夢斷六朝城闕野花開
心隨潮水漫漫去流遍烟村半日來

花山寺

經旬飄雨喜新晴病馬新晴取次行
老態只應隨日至春心無意與花爭
山川滿目浮烟合樓閣侵天暮靄橫
嗟我有身無處用強攜尊酒入崢嶸

姑孰溪二首

弱堂春水綠泱泱謝市雲深柳綠長睡熟不知潮信過
船頭晚雨打菰蔣

新晴渡口百花香石子池頭鴨弄黃捲幔夕陽留不住
好風將雨過梅塘

蛾眉亭

雙峰秀出兩眉彎翠黛依然鑑影間終日含顰緣底事
祇應長對望夫山

秀州秋日

草滿池塘霜送梅。林疏野色近樓臺。天圍故越侵雲盡。
潮上孤城帶月回。客夢冷隨楓葉斷。秋心低逐雁聲來。
流年又喜經重九。可意黃花是處開。

歎老

為覓少年心。不得當時感舊吟。潸然情懷此日君休問。
又老當時二十年。

鄜延凱歌五首

先取山西十二州。別分牙將打衙頭。回看秦塞低如馬。

漸見黃河直北流

天威畧地過黃河萬里羌人盡漢歌
莫堰橫山倒流水從教西水作恩波

馬尾胡琴隨漢車曲聲猶自怒單于
彎弓莫射雲中雁歸雁如今不寄書

靈武西涼不用圍番家總待納王師
城中半是關西種猶有當時軋吃兒

旗隊渾如錦繡堆銀裝劍背打回回
先教淨掃安西路

待向河源飲馬來

江南曲

新秋拂水無行跡
夜夜隨潮過江北
西風卷雨上半天
渡口微涼含曉碧
城頭鼓響日腳垂
天際籠烟鎖山色
高樓索莫臨長陌
黃竹一聲無北客
時平田若少人耕
惟有蘆花滿江白

欽定四庫全書

兩宋名賢小集
卷一百二十六

四

兩宋名賢小集卷一百二十六

欽定四庫全書

兩宋名賢小集卷一百二十七

宋 陳 思 編

元 陳世隆 補

李方叔遺稿

李廌字方叔陽翟人少以文字見知於蘇軾元祐初軾知舉意在必得廌以魁多士及考章援程文以為廌無疑遂以為魁既折號悵然出院廌竟無成而卒

欽定四庫全書

兩宋名賢小集
卷一百二十七

有濟南集

觀吳正獻真

次公不許畫麒麟孝宣妙選知名臣拜公之像想風度
乃是雲臺子顏之文孫元豐天子建原廟玉宇萬棟臨
端門累朝名臣儼冠劍列聖御坐開乾坤修廊祕殿鎖
春色髣髴音容皆駿奔相君相業皆炳炳旂常彛鼎定
書勛儀形在歿侍神考英氣噩噩凝天閭嗣皇方思服
缺美欲考辟公觀烈文君傳茲圖落人世世人遂得知

瑜璫吾知袁公固有後能平楚獄竟無冤召公甘棠猶
不伐衛武之德誰能諉君不見溫公之像滿人間願廣
此圖令並傳

燕龍圖臨深圖燕穆之昔作履薄臨深二圖履薄
已進呈仁皇而臨深逸二首

下看飛流入碧深崖蒼潭黑往登臨戰兢欲示為邦慎
可見忠臣納諫心

須知筆諫似誠懸馳譽丹青詎等閒嗟爾畫師閤立本

一生虛老寸毫間

王摩詰曲江春遊圖

咸雍山川互王霸涇渭為隍城塹華曲江臺治備豫進
祇與畫師供入畫長安城西山萬重昆明烟浪繞新宮
新蒲細柳春風裏萬戶千門佳氣中我生不及開元時
猶喜此圖今見之蒼莽烟綃橫短幅眼中終南倒溪淥
傾城士女巷無人三月三時曲江曲老稚妍媸賤或貴
來者攜壺歸者醉筆端造化有能事各有人人樂游意

如今此地空塵迹石鯨縱在如銅狄宜春五作更蕭條

無復

缺

中得遺甃我願吾生明六符不蹈漢唐耳目娛

池籞假民任畋漁無令畫師為畫圖

書侍兒小瑩裙帶

旋剪香羅列地垂嬌紅嫩綠寫珠璣花前欲作重重結
繫定春光不放歸

驪山歌

君門如天深九重君王如帝坐法宮人生難處是安穩

何為來此驪山中
複道連雲接金闕
橫觀隱隱橫翠紅
林深谷暗迷八駿
朝東暮西勞六龍
六龍西幸峨眉棧
悲風便入華清院
霓裳蕭散羽衣空
麋鹿來遊墟市變
我上朝元春半老
滿地落花人不掃
羯鼓樓高挂夕陽
長生殿古生青草
可憐吳楚兩醺雞
築臺未就已堪悲
長陽五柞漢幸免
江都樓成隋自迷
由來流連多喪德
宴安鴆毒因奢惑
三風十愆古所戒
不必驪山可亡國

文選樓

申轅應楚聘鄒枚適梁苑藩侯喜賓客賢賢易鴈犬黃
綺遊漢庭羽翼矰邀遠秦府十八公攀附名益顯昭明
衆才子文囿俾蒐選高齋切浮雲雉堞俯清巘尚應愧

兩一作河

間筆削非大典

欽定四庫全書

兩宋名賢小集
卷一百二十七

四

兩宋名賢小集卷一百二十七